

1229
1-1819
219

4457/11

中國方志叢書·西部地方·第二九號

據清·嘉慶十五年抄本
清·陳登龍編

影印

西康省

裏塘志略

成文出版社有限公司印行



中華民國五十九年四月壹一版

裏塘志略

全一册

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三三二號

印刷者：東南印製廠有限公司

和平西路二段70巷83弄29號

內政部登記證內服台業字第 一 一 四 七 號

序

西藏裡塘志畧兩卷友人陳秋
坪所著也秋坪與余少同學相
親善余喜其性情瀟灑能讀書
工吟詠旁及書畫古所稱風流
名士庶幾近之以乙科屢困公車

往返六上無牢愁意猶與朋好
杯酒過徑忘間晨夕蓋其天懷
曠達素所蓄積然也歲丁未預
大挑分發蜀中所至留心吏治能
聲石著嗣補青神今調辦裡塘
糧務裡塘古三危地僻陋在夷秋

坪力為整頓考其山川夷險民生
利弊土司沿革詳為記載而著
於編考勸保陞補江右建昌司
馬丁卯以憂歸里訪余於別墅
頭童鬢白頹然一翁向之瀟灑
性情銷磨殆盡豈仕途之能困

人有如此耶。願秋坪以薄宦遠游，
予以樸拙，株守契濶二十餘載。天
涯海角，徒有室迩人遠之思。一旦
老年聚首，歡洽生平，實可追步
當日杯酒過從之樂。而秋坪乃以
囊橐蕭瑟，不免江湖覓食抵家。

逾月即受師席之聘遠適清源
瀕行出是編相示余受讀之見所
未見如覽穆天子傳披山海經圖
而詳其考按古今指陳利弊粹然
於吏治民生有所裨益則又非
睽車鬼國諸書得同日語是不

可以不傳也因授之
剗厥氏愚弟
高城序

裡塘志畧卷上

閩中陳登龍秋坪編

建置

裡塘古危地禹貢導黑水至于三危入于南海

聖祖仁皇帝上諭三危者猶中國之三省也打箭爐之西南
達賴喇嘛所屬拉里城之東南為喀木地達賴喇嘛
為危地班禪苦圖克免所屬為藏地合三地為三危
耳裡塘居打箭爐之西南拉里城之東南正古三危

地昔隸青海和碩氣部我

朝定鼎後率土奉貢賦遂立大喇嘛寺掌管闡講黃教名
曰堪布為一方崇事之尊僧俗營官各一名董率其
眾康熙五十七年護軍統領溫普副將趙宏基等帶
領滿漢官兵征西藏車零敦多布由打箭爐出口渡
雅龍江直抵裡塘駐扎宣諭

聖朝威德綏定人心預貯倉庫錢糧待

大兵西進五十八年定西將軍噶爾弼駐兵打箭爐前

鋒都統法納先領官兵前進道經

差達

哇朗章巴陰謀把持二營官遂有逆

甫駐計

誘達哇朗章巴及二營官至營擒以正法革去堪布
喇嘛於是裡塘頭人百姓咸凜軍威各舉素相悅服
之人議立堪布並正副營官開造本營大小堡寨十
五處頭人三十名百姓五千三百二十戶大小喇嘛
寺院四十五座喇嘛三千二百七十餘眾傾心投誠
輸納

貢賦承應差使而附近裡塘之瓦述崇喜毛了毛茂了
長坦曲登五處酋長亦各呈戶口上納糧馬革面來
歸雍正七年頒給正副營官印信俗營官安本授為
宣撫司宣撫使僧營官康卻江錯授為副土官照流
官例鈐束地方瓦述崇喜酋長杜納特吉毛了酋長
索朗羅布長坦酋長側冷曲登酋長康珠俱授為長
官司毛茂了酋長側冷工授為土百戶世代承襲各
給印信號紙永為藩籬按裡塘自大禹治水以後經

傳無聞唐時始為吐蕃所有東窺黎雅兵革頻興屢
疲中國故其地為外患首區宋藝祖監前代之失以
玉斧斷大渡以西棄之厥患寢息然猶茶馬互市時
啟爭端終宋至明駕馭羈縻未嘗內附我

國家撫有四海西域一帶萬有餘里輸誠納貢盡入版
圖裡塘雖蕃部然最近內地仁漸義摩較之他處為
易入於以見

聖朝道一風同之治稽之往古莫有及者於戲盛矣

形勢

裡塘在四川布政司西一千六百七十里通志稱其東接西爐南通寧遠西距巴塘北連瞻對層巒疊嶂亦西藏之要區然審其大勢為中國之藩籬則險而足恃為一方之保障則散而難守其地山嶺雖多而少蘄巖之勢平坡蔓衍道途四達無要可扼且西北一帶境連三瞻對姑隴卡述林喀寺額隴疊爾格等處其人皆慄悍好鬥飛馬馳驟履險如夷往往出沒

境內肆情劫奪拒之匪易守之為難忠信孚及豚魚
是在守土者有以化之俾知

朝廷威德自弭其暴庶乎其可也

疆域

裡塘疆域遼濶縱橫二千餘里東至雅龍江三百二
十里強交打箭爐界西至二郎灣二百四十里強交
巴塘界南至唾杓五百里強交雲南中甸界東南至
拉空頂四百里弱交寧遠府界北至雄熱泥四百里

強交瞻對土司界轄大小鄉村三十六處曰戎里馬
曰燒骨中曰安角中曰擦嗎中曰拉通中曰擦竹溪
曰俄落曰河口曰上俄落曰下俄落曰呀壩曰疊雜
曰上年納曰下年納曰甲中曰中壩曰藏木曰沙魯
布曰木落曰喇爾布曰土噶里曰島巴曰鄉城曰杓
朱曰喇嘛了曰二郎灣曰立登三巴曰了壩曰宗巴
曰普恩噶土官黑帳房毛了土官黑帳房曲登土官
黑帳房奔拉山土官黑帳房

山川

口外蠻荒山童水惡曷足登地輿之志然環拱輔翊
周流映帶以成一方之勢為中國壯規橫亦可企望
數之者淵渟嶽峙隨地皆然畧舉其凡為荒裔留勝
蹟焉裡塘北曰峻磨拉卡山北之左曰雜哈拉貢山
北之右曰嗎堆山三山環列如屏聯絡不斷長青春
科兒寺坐其麓下伸一阜民居盤結其上遠望如游
龍蟠屈華言雲龍山蓋裡塘之太氣脈也南面曰梭

龍山又名尖山俗呼喇嘛帽山蠻言置嘎也縣延五十餘里數峯蒼秀如齒齒初苞土入以其形肖喇嘛帽故名東曰珠木拉卡山又東曰紫木喇山又東曰出喇山又東曰什巴頂山又東曰赤喇岡山又東達俄岡又東曰日工達山又東曰俄洛山又東曰撥浪工山又東曰剪子灣雪山又東曰麻蓋中山西曰阿喇柏桑山又西曰喇枯山又西曰色勒隆宗山又西曰額東勒山又西曰海子山有上中下三海子上海

沈深黝黑波濤洶湧中有神物潛焉隆冬不凍中海
稍淺下海潦長旱乾亦名乾海子又西曰喇嘛山又
西曰二郎雪山山最奇三峯鼎峙各圍百里直上十
霄四時積雪不消遠望如瑤臺玉柱與碧空相映又
西曰三巴山按東西十餘里皆根險頂夷氣勢雄博
乃進藏大道夏多雨雹冬春多風雪行旅頗難其附
東者曰咱噶山曰蟒拉山甲噶山附於西者曰額四
奔松山皆峻拔不易扳躋其餘四鄉在甲中者有喇

布山在藏木者有藏木山在疊雜者有疊雜山在毛
茂了者有打山在曲登者有毛了山在沙魯布者有
沙布山交瞻對界者曰窮藏山交雲南界者曰漳喇
山山甚峻險上下約百餘里山之左屬裡塘之鄉城
山之右屬雲南麗江之中甸裡塘之水一曰雅龍江
在塘東三百里與打箭爐東西為界源出青海之娘
錯流入霍耳咱地 攷歷上中下三渣壩由寧番
三渡水會金沙江入馬湖江至叙州府歸川江一曰

裡楮河源出瓦述長坦歷蒙了沙如東南流經裡塘
至眉里喇卡合雅龍江一曰立渠河發源射鹿山流
與雅龍江合一曰色隆達河在塘西源出額東額山
流繞雪山根合袁達楮河由喇嘛了至鄉城入金沙
江一曰喇梯楮河源出立登三巴流經二郎灣博莫
勻朱入金沙江

津梁

裡塘為進藏衝途河道孔多必須津梁以濟故郵政

重馬中渡在塘東三百里打箭爐出口大道渡用木
船皮船木船官渡皮船民渡也下渡在塘東南渡用
皮船路通會鹽營木里土司及雲南中甸熱藏大橋
在塘西三十里八濟橋在喇嘛了桑巴橋在立登三
巴漢人橋在火竹卡倫都橋在呀壩唐甲橋在甲中
喇布橋在喇爾布谷藏橋賽橋在鄉城阿了橋在了
壩

塘鋪

裡塘山川險惡道路遼遠盜賊出沒無常戍守瞭望
之區與夫羽檄傳遞之所最為慎重計塘舖十三處
步遞馬遞暨漢土官兵駐守至備且密

國家設法之嚴如此底塘東路計六塘麻蓋中塘
灣塘撥浪工塘西俄洛塘咱嗎拉洞塘火竹卡塘
塘西路亦六塘額凹奔松塘海子塘喇爾塘喇嘛了
塘二即灣塘立登三巴塘

職官



2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

口外戍臺文武官弁由四川總督揀放達

部必選其才力精壯熟悉夷情者任之三年一換膺薦
剡之列責誠重也裡塘糧務官一員派州縣官管理
供應差務鈐轄土司支放漢土官兵糧餉守備一員
統領漢土官兵防守地方查緝盜賊把總二員一駐
裡塘支放官兵糧餉稽查往來摺報文書協守西路
一帶汎地一駐火竹卡協守火燒坡至仵巴頂汎地
外委二員一駐撥浪工協守仵巴頂至剪子灣汎地

一駐中渡協守剪子灣至卧龍石汎地

夷職

宣撫司一員副土官一員土都司一員土守備四員
土把總二員辦事業巴四員俱駐裡塘長官司三員
正土百戶一員駐瓦述撥浪工土把總一員鄉城土
百戶一名喇嘛土百戶一名河口土百戶一名勺朱
土百戶一名工噶嶺土百戶一名穠壩土百戶一名
俄洛土百戶一名甲協土百戶一名拉布土百戶一

名木拉石土百戶一名下壩土百戶一名疊桑土百戶一名齊寺土百戶一名配山嶺土百戶一名扎什土百戶一名噶壩協教一名裡塘官通事三名譯字二名按

國家禦夷之法至詳且備至於其委用頭人則從畧焉裡塘自正副土司暨四家瓦述給與印信號紙之外他皆由外委放若土都司土守備辦事業已之屬則上臺擇其才品給與委牌土把總土百戶協教以下

或本臺文武官或正副營官隨才委放本無一定之程也

兵制

駐防裡塘汎東西兩路自剪子灣至立登三巴各塘馬步兵丁計一百零六名東西兩路八馬塘每塘安設馬六匹計馬四十八匹裡塘大汎步兵四十三名馬兵三名號書一名火竹卡駐防步兵十七名馬兵二名號書一名咱嗎拉洞馬兵二名號書一名博浪

工駐防步兵十名馬兵二名號書一名剪子灣馬兵
三名號書一名額四奔松馬兵三名號書一名喇爾
馬兵三名號書一名喇嘛了馬兵三名號書一名立
登三巴駐防步兵五名馬兵三名號書一名

土兵

裡塘存城土守備二員統領土馬兵八十名東路土
守備一員土把總一員管領腰卡子土馬兵五名火
竹卡土練一名土馬兵八名什巴頂土練一名土馬

兵八名亂石窖土把總一名土馬兵十七名得立卡
土練一名土馬兵八名西俄洛土馬兵二名博浪工
土把總一名土馬兵十七名剪子灣土練一名土馬
兵八名西路土守備一員土把總一員管領腰卡子
土馬兵二名大橋土練一名土馬兵八名額四奔松
土練一名土馬兵八名黃土岡土練一名土馬兵八
名乾海子土把總一名土馬兵十三名虎皮溝土練
一名土馬兵八名馬金卡土練一名土馬兵八名喇

爾土練一名土馬兵八名松林口土馬兵五名擦朱
卡土馬兵五名宗噶卡土馬兵五名二郎灣土練一
名土馬兵八名崇喜長官司管領東路土步兵七十
五名毛了長官管領西路步兵七十五名按土馬兵
之設始自乾隆十四年四川總督策

奏准安設所以防堵番賊護送摺報也後因地方遼遠
道路叢雜番賊四起沿山搶掠行旅不寧又添設土
步兵七十名迨三十三年閣督阿將土馬兵三百名

徹去一百名分駐巴塘土步兵盡行裁汰以致番賊復出四十一年復設土馬兵一百名五十四年又復設土步兵一百五十名兵制齊備數百里間塘鋪聯絡羶廬相望防守周至而盜賊不興矣然有治法無治人相沿既久土司等侵蝕口糧多不全備而地方官又因循將就不甚責成

朝廷空耗錢糧於地方不能少補伊誰之咎哉

貢賦

裡塘土司夷賦每歲徵納青稞五百石每石折銀九錢計折徵銀四百五十兩所屬崇喜土官應納夷賦三十六兩毛了土官應納夷賦二十六兩曲登土官應納夷賦十二兩毛茂了土官應納夷賦八兩土司三年一

貢正副土官相間換班當貢之年或土官自入
覲或遣頭人進

京

貢以方物按土司應納夷賦於乾隆五年欽奉

上諭恩賞正副土官養廉銀四百兩詳明於番民認納地

丁內扣留餘銀五十兩按年批解打箭爐廳上納迨

十四年總督策提督岳將金川汪爾結

題放裡塘額外副土司議以正副土司

恩賞養廉銀內分納一百兩又存剩銀內補撥於四十

八兩五錢給之餘銀一兩五錢仍批解打箭爐庫其

四土官之賦著正土司代催並解今打箭爐廳已於

臺餉內截留而糧務又於土官兵餉內扣收禦夷之法簡而不煩而夷情安矣

土官

正土司江擺康熙五十七年投殺誠

題放裡塘正土官照流官例雍正二年病故嫡子安本

襲職七年

題放裡塘宣撫司

頒發雍字一千三百五號銅方印一顆號紙一張乾隆

三十一年安本病故嫡子丹晉滾布襲職三十三年
頒換乾字一萬二千十八號印信一顆四十一年進京

引

見賞戴二品頂帶花翎四十五年病故長子係察木多苦

圖克免次子係喀爾喀苦圖克免招贅故土司安本

外甥朗康之子阿聰諾爾布為婿襲職四十九年病

故嫡子索諾木根登年幼其妻阿卻錯氏護印六十

年索諾木根登及歲詳請襲職嘉慶元年

頒給號紙一張

副土司康卻江錯康熙五十七年投誠照流官例委
放裡塘副土官雍正七年

題授副土官

頒銅方印一顆號紙一張乾隆十二年病故嫡子彭錯
克衮布襲職三十二年病故胞弟根敦那木扎爾襲

職三十四年

頒換乾字一萬四千一百八號印信一顆四十五年病

故胞弟阿鄂策成襲職六十年病故根敦那木扎爾
之子羅藏策登襲職嘉慶元年

頒給號紙一張

瓦述崇喜長官司杜納台吉康熙六十一年投誠雍

正七年

題崇喜長官司世襲

頒給印信一顆號紙一張乾隆五年病故長子達漢太
吉承襲十二年夜被番賊所殺長子阿扎郎結承襲

五十七年為毛了土舍俄木云電所害長子汪結承襲

瓦述毛了長官司索朗羅布康熙六十一年投誠雍

正七年

題授毛了長官司世襲

頒給印信一顆號紙一張乾隆十年病故長子俄木勞

丁承襲二十九年病故長子索諾木那木扎爾承襲

五十四年病故長子阿許丹津承襲

瓦述曲登長官司康珠康熙六十一年投誠雍正七
年

題授曲登長官司世襲

頒結印信一顆號紙一張乾隆十二年病故長子丹正
邦承襲二十年病故胞弟思德承襲五十一年病故
丹正邦長子阿窩承襲五十九年病故長子工布羅
布承襲

瓦述長垣長官司側冷康熙六十一年投誠後因督

兵遲誤軍令擒拿正法職除

瓦述毛茂了土百戶側冷工康熙六十一年投誠雍

正七年

題授毛茂了土百戶

頒給號紙一張乾隆十三年病故長子四朗江錯承襲

病故長子工布桑丕承襲

裡塘額外副土司汪爾結以隨勦金川功乾隆十四

年

題放裡塘額外副土司後在裡塘不安分滋事二十二年遣發化林坪安置三十七年病故長子王朝相承襲四十一年病故胞弟王朝貴承襲

按番夷難馭自古為然其人貪殘而好殺狡詐而多疑裡塘自漢以來為青海突厥吐蕃所驅使擾亂邊疆出沒匪定雖羈縻駕馭莫能得其心乃至我朝羣皆稽顙輸誠率土歸附非威之制惟德之服也四家互述以西海之遺酋住牧裡塘之邊界棲止氊廬

依附水草免頑素逞野性難馴亦皆內附

天朝傾心畏法德之所至化梗為良斯之謂歟雖其穴中
蟻鬥不無彼此爭持然示以

王章亦皆股慄允矣澤被無雷威周出千日古以下詎能
方茲哉

寺廟

西方佛地寺院為多裡塘一區攷通志所載大住持
至四十五座可謂盛矣至廟祀則未有之自漢人寄

賈其間始建武廟番人亦知畏敬神靈所至不限遐
荒斯足信也武廟在裡塘城南門外長青春科免寺
亦曰大招在裡塘城北周圍建樓閣數十處凌霄聳
漢瓦蓋皆飾以黃金內塑諸佛玉像百寶鏤嵌幢幡
寶蓋輝煌巨麗供奉

萬歲寶座金花玉盞四季長春其左曰貯經堂藏經板在
其內右為金剛寺傍環大小寺數十座一望重樓疊
閣滿目陸離誠巨觀也尼姑菴在裡塘東比邱尼所

居工沙寺在牟納咱噶寺在咱噶山空沙寺在俄洛
納吐寺在呀壩桑登寺在喇爾布乃吉策巴寺在上
牟納登巴寺在下牟納工噶寺在工噶三配林寺在
鄉城陽頂寺幫補寺俱在島巴立禪寺在喇嘛了蔴
唐寺在了壩中角寺在中壩

喇嘛

裡塘長青春科兒寺大喇嘛曰堪布主持黃教闡講
正法三年一換由糧務官察舉具詳其侍者曰若尼

傳出入之命曰乍倉任監管之職曰喜卻供營運之
勞寺中挂單喇嘛計二千八百四十五衆未挂單喇
嘛計三千餘衆皆念宣經典謹守清規信佛夫日增
輝法輪常轉矣 按易曰聖人以神道設教非德化之
不及也地有中外人有醇頑彼西域之人目未覩聖
賢之書耳未聞道德之言所習者佛耳故以佛之慈
悲即去其殘暴之氣以佛之莊嚴即生其畏敬之心
我

皇上知其然也故以佛治之然佛不可見而以有道之高
僧主之廣其居厚其祿名之大喇嘛彼以為大喇嘛
即佛也見大喇嘛如見佛以故埋首伏地惟大喇嘛
之命是聽而一切貪嗔殘暴俱不生焉此治於大喇
嘛即治於佛也夫大喇嘛為我

皇上之所簡放以治斯民則大喇嘛固傾心輸誠於我

皇上也彼見大喇嘛而傾心輸誠於

皇上即佛之傾心輸誠於

皇上也佛而傾心輸誠彼民焉而遂凜

王之章服

王之教羣聽命於我

皇上也此無聲之教無形之化治夷之善我

皇上所以超軼古今也

天時

裡塘去打箭爐僅五百餘里天氣特異冬多暴風春
多冰雪比冬尤寒夏秋多雨電時兼雪霰四季常冷

衣坊
衣
暑亦衣裘

土則

裡塘土皆沙礫百穀不宜縱橫百里內不生寸樹草
至夏初方茁東西一帶惟俄洛喇嘛子等處地氣頗
煖樹木成林生小麥青稞南方一帶直到鄉城勻朱
等處土膏肥厚樹木修偉雜糧廣出民之食皆取供
於此北方一帶至瞻對界地亦境瘠人無廬舍皆棲
息黑帳房隨水草而居

城市

裡塘無城郭因居人所住之碉樓為扞衛南結營盤
北聯喇嘛寺西依糧臺中開一街商賈番民雜處土
司之居則結聚平原中離塘二里許亦無城郭四面
皆碉樓圍繞其地名營官壩

物產

貝之屬有麩金沙金裡塘水際山原皆生焉喇嘛禁
人採取恐傷地氣其貨者皆來自四鄉穀之屬有大

麥小麥青稞菜之屬有圓根脚嗎木之屬有菩提樹
娑羅樹松柏檜檉卉之屬有西天花藥之屬有大黃
硫磺貝母蟲草器之屬有鳳眼菩提子葡萄根木盃
貨之屬有牛絨氈片酥油禽之屬有燕雀鴉鵲鷹鷄
鷓鴣鸚鵡雞紅嘴烏馬雞獸之屬有虎豹麋鹿麝麇狐
兔猴鼠騾馬驢牛羊犏牛牦牛山羊蠻犬蠻猪山獺
水獺黑白狼舍利猴艾葉豹穿山甲鱗之屬魚

風俗

口外番夷茹毛飲血其人多疑而好鬥裡塘最近內地先已沾染華風稍知禮義鴛鴦之氣漸漸革除其俗崇信佛法見大喇嘛則卸帽合掌伸舌頂禮者三復垂手鞠躬屏息聚足至法座前大喇嘛以手摩其頂謂之討捨手賤者則不摩也或以拂手掃之即驚喜以為佛之福已也路逢大喇嘛亦必頂禮過而後敢起予為喇嘛父母伯叔兄弟見之先行佛禮然後叙家人禮男婦性好穿戴營官衣冠皆遵

國制間亦俗裝長官司頭人著大領衫番名楮巴以氍
毹細毡或紬緞錦繡哆呢呷吱為之緣以獺皮或豹
皮營官亦有緣貂皮者民家則多著毡子楮巴不能
如頭人也腰繫花絲斜插匕首謂之左揀右襟拖各
色綾片下垂如紳以繡緞製木梳袋著於左襟下惟
貴者有之其次或用銀匣或用銅匣以帕著左肩斜
綰至右腋下庶人之梳則納於懷帽高五六寸以羊
皮染黃色為緣麻線染紅色為緯頭人亦有用狐皮

緣絲線緯者至營官則以貂皮駝絨皮為之左耳垂
珊瑚墜用大珊瑚珠上下鑲金玉及綠松蕊石名曰
呀攏頂戴哈噠或江卡拴佛密加以念珠袴以紅氍
毹及紅綾為之足著用白皮造軟底鞞氍毹廂飾其
名為康好佩刀劍見官亦不去身凡見官及見大喇
嘛必遞哈噠一枚如中華投刺然平交則彼此交換
為禮即書信亦必置哈噠以示敬婦人粧飾髮編細
辮百縷飾以八寶珊瑚纍纍若貫頭上戴金造花餅

或三或兩無金亦必以銀衣具五色長袖短襟項亦戴哈噠江卡念珠胸前挂大佛窖如盆金銀造成製作工巧貧者用小佛窖長裙百褶亦具五色不穿下衣足躡皮鞞花皮韁韁廂飾飲食多糝巴牛肉羊肉奶子奶渣酥油等物其性燥烈而茶為急需故貴賤皆以茶為命煎茶之法用細茶熬極紅入酥油或奶子和鹽攪之飲茶食糝巴或肉麩粥名上巴湯牛羊多生食食不以時以飢為度食少而頻男女老少不

解用箸以手掬飲用木碗食已擦而納諸懷貴者裝於匣性耽麴蘖所飲酒乃青稞釀成淡而微酸其名為冲亦有青稞燒酒凡飲輒醉醉後或歌或笑至有爭吵者客至必設酒或設酥茶男女圍坐甚歡婚嫁以茶為禮娶親之日羣婦赴女家飲酒歌舞以樂之謂跳歌粒飲畢送到男家亦如之謂嫁娶為坐好坐漢人妻不一夫死則別坐差徭視婦人多寡科派故一家弟兄三四人止娶一妻如生子女兄弟擇而分

之其婦人能合三四弟兄同居者人皆稱美以為能治家也貿易之事婦^{人智}過男子紡毛線織毯子之等事外凡種地供烏拉以及瑣屑之事皆任其勞無廉恥之心淫心忽動隨人即合其夫亦置不問夫妻悅則相守反目即自擇所欲而適焉生育子女初不洗浴三日以酥油徧身塗之曝日中半月即以炒麩調茶湯灌之多不與乳食稍長男子教書算或習一藝或送為喇嘛女子則教戰秤習貿易不責女紅不習閨

訓而生女重於生男疾病無醫藥將所積金帛服飾
施向喇嘛寺念經近亦稍用醫藥死無棺槨不葬棄
於曠野餒諸鷹犬延喇嘛佛事無孝服男女百日不
著華服不梳不沐婦人去甚耳墜念珠而已所居碣
樓繚延深邃外樸內華室必有佛堂富者日延喇嘛
諷經其中臥室無常所夫婦異牀被男不好淫日馳
馬試劍比較武勇以蓄精力好劫殺人多者謂之好
漢可以壓服鄰封四家互述尤甚今循

一化不復逞其強梁矣奉

國朝正朔彼亦有通書歲時稍異不通漢字用其俗書
其字右行體如沙蟲無筆硯削木管蘸松烟書之凡
文書徵召用鐵鑄小鈐記土官用硃頭人用墨官印
惟用於上官番人不解也疑事亦卜卜必問大喇嘛
蓋以佛為從違也斷獄無律例盜竊小則充之遠方
大則剜目去手強劫則邀而殺之有活捉者或彼方
之人來請釋則議賠賠皆以一賠九殺人亦如之謂

之命價故殺人者年隔數十時更數世彼方之人由
弱而強來索命價亦須償也否則構怨興戎兵革不
休矣犯奸責奸夫而去奸婦之鼻其法如此然而無
有捉奸者口角細故訴於土官官不能決命兩造詣
城隍廟賭咒以花繩繫兩造項跪而訴曲直謂之戴花
繩花繩人所挂廟中哈噠糾而為之也戴畢再詣大
招跪佛前洗心雖大怨巨讐亦皆息也其俗之信佛
如此

夜
去
六
身
身
身

ニ
ッ

裡塘志畧卷下

閩中陳登龍秋坪編

雜記

裡塘糧務官每月支臺費銀六十兩每日支口糧十
四分守備日支鹽菜銀八分官役口糧七分把總日
支鹽菜銀四分官役口糧四分外委日支鹽菜銀三
分官役口糧二分兵丁日支鹽菜銀三分口糧一分
馬兵每馬一匹日支草乾銀八分東西八塘計馬四

十八匹照每十倒三之例年應倒斃十四匹每匹支
價銀八兩共銀一百一十二兩每月東西兩路應支
馱載烏拉銀大建四兩七錢五分六釐二毫小建四
兩六錢二分八釐七毫均在糧務處支給凡口糧俱
支半米半麩每一分米四合一勺五抄麩五合月計
大小建

臺費額貯銀一萬兩額貯米二百石每年詳請上臺
由打箭爐廳撥解額貯炒麩三百石每年詳請建南

道動支臺費銀三百兩發土官採買額貯稞麥一千二百石不動不支以備不時之用

裡塘臺例折色每米一石折銀四兩六錢五分每麩一石折銀一兩每皮茶一包折銀一兩絨馬茶一包折銀二兩馬掌一付折銀四分凡過往換臺雜差均係折色若征兵過境必要實支

各臺糧務官奉派進換過裡支應巴塘計官役口糧十四分西藏拉里察木多計官役口糧十六分自裡

至巴支領十日半米半麩均係折色應付騎馱烏拉
十四隻自裡至巴計程十五站每站腳價一錢若管
理寶藏錢局官過境只支口糧七分騎馱七隻也其
奉派西藏並各臺駐防官兵過境除腳費已於司庫
支領外只支應鹽菜口糧照所食若干自裡至巴各
給十日之數按武官口糧副將日支鹽菜銀二錢四
分官役口糧十七分叅將日支鹽菜銀一錢四分官
役口糧十一分遊擊都司日支鹽菜銀一錢四分官

役口糧九分守備日支鹽菜銀八分官役口糧七分
千總日支鹽菜銀八分官役口糧四分把總日支鹽
菜銀四分官役口糧四分外委日支鹽菜銀三分官
役口糧二分馬步兵丁日支鹽菜銀三分口糧一分
糧務官接替出口日於打箭爐廳請領行糧官役十
四分分每日米四合一勺五抄麩五合均折色計領
十日用烏拉十三隻亦打箭爐廳應付入口日支例
行坐二十一日月費銀四十二兩官役騎馱十三隻

自裡至爐計程十六站半每隻每站脚價一錢口糧
十四分半米半麩均折色計支二十一日先於月冊
內報銷

裡塘正土司每年領壓徵養廉銀五十兩口糧青稞
三十石每石折銀九錢牛十隻每隻折銀一兩五錢
酥油五十觔每觔折銀五分計折色共銀九十四兩
五錢副土官每年領壓徵養廉銀二十兩口糧青稞
二十石牛六隻酥油三十觔計色折共銀四十八兩

五錢土都司每日支口糧八分土守備日支口糧五分辦事業巴日支口糧四分土把總日支口糧三分土練日支口糧二分土馬兵日支口糧一分每分日支放折色銀五分崇喜毛了兩長司每年支土步兵口糧茶一百五十包茶年由打箭爐廳撥解

長青春科兒寺喇嘛衣單係裡屬番民認納每年輸銀五百零九錢四分口糧青稞一千五百七十石三斗六升六合二勺麥六十六石八斗二升五合六勺

稽巴六十六石八斗一升五合六勺牛四百五十四
隻酥油八百七十八觔

歲朝兩土司隨文武官朝賀

歲寶座然後赴文武官衙署賀頭人以次進叩皆遞哈
噠婦人小兒女輩咸叩衙署前求賞哈噠以為一年
之采商民停市三日以茶酒果食相餽為禮番人相
見則交遞哈噠延入其家供以酥茶酒食
上元喇嘛用酥油和蠟染成五色造人物樓閣亭臺

花木鳥獸龍象獅子雕鏤精緻真有鬼斧神工之妙
十五日懸大佛像並列中庭絢爛奪目喇嘛數千衆
跪諷經典男女皆華飾周大招游觀望而合掌頂香
不下萬人按大佛像云頒自西藏達喇嘛以大緞
繪畫五色爛斑高十餘丈從三層樓頂下垂於地
十六日迎唐公主像喇嘛暨男婦數千人擁塞道路
寶馬香車幢幡繡蓋鏡鼓喧填極一時之盛按唐太
宗時以文成公主下嫁於吐蕃贊普弄讚中宗時以

金城公主下嫁於弄讚元孫棄隸縮贊二公主皆有
惠德至今番人畏敬奉之如佛焉

轉招即內地禮拜也招譯言佛也俗家謂之禮拜僧
家謂之轉佛蠻人男婦於正月四月七月十月繞大
招大圍牆計周十里許二步一拜首所到處足躡其
跡謂之等身拜轉牆一匝早晚二番或一月或旬餘
或五六日隨所立願也喇嘛則無日不轉但行而諷
佛號而已

六月初三日土司舉跑馬會是日五鼓兩土司率頭人以香花燈燭幢幡寶蓋引導大喇嘛堪布登峻麼拉卡山頂焚香諷經先造芒扎次芒窮次洛各日嗎次送日嗎次扎利洛日見策次索諾木漢欲節嗎凡造一處焚香諷經際土司必跑馬環繞三匝辰刻至較場土司頭人兵目各換各色采繡衣服裝束華麗選良馬配以五色鞍轡集齊請糧務駐防各官上坐堪布傍坐觀閱其例正副土官跑畢次及頭人次及

兵目射箭於鎗命中者官賞以金帛茶包哈噠等物
衣服美麗鞍馬鮮明望之真一簇錦繡也

中元懸大佛像於大招庭中衆喇嘛花冠花衣環其
下諷經蠻人大小男婦盛服游寺中頂禮

七月三十日堪布率衆喇嘛祭鬼於郊辦事業兒巴
於官房扎麩食八月初一日堪布散茶於窮民土司
散麩食於衆喇嘛由是喇嘛始放學按喇嘛告假回
家謂之放學八月裸麥登場歸理庄務也

十月二十五為宗卡巴城聖日衆喇嘛馱載糧食成
赴大招上學其夜衆寺及居民牆頭檐際燃點圓根
燈以數萬計光明閃灼如星橋火城層層圍繞氣焰
燭天真殊方異景也按宗卡巴或云即燃燈佛故燃
燈以為慶歟

臘月晦日喇嘛跳布扎華言跳神也衆喇嘛齊集大
招中庭擊鼓鳴金吹角先份護法神靈開場次份菩
薩度世次份鬼王登殿次份鬼卒捉耗預用酥油和

稽巴塑耗鬼像衆鬼卒爭舁而出菩薩諷經驅遣鬼
王監視殺而屠之送於荒郊堪布率衆喇嘛諷經土
司率土兵施放鎗炮架火焚之云行之時和年豐天
厲不生也按此即周禮方相氏司儻遺意番人亦知
古禮如此

長青春科兒寺亦曰大招附大招者謂之小寺凡數
十所周圍十里巷陌縱橫傍開八門晨啓夜閉小喇
嘛守之鎖鑰甚嚴謹

蠻人屋頂或路邊多插木竿以各色布印經典文拴其上亦有用繩架虛懸掛者其高而大者謂之大木奢短而小者謂之囊呀隨風飄颺云以代諷經也又有法輪裝經典於其中大者置屋內小者持手上番名科洛日常轉之亦以代諷經即佛經所謂法輪常轉也大抵蠻人信佛無處不意存諷誦不特口念心維已也

裝經塔及裝舍利塔或用銅鑄或用石壘均塗以金

番名卻登巍然道周炯燦映日蠻人過者必禮拜乃
去喇嘛寺屋頂其下凡有佛坐處上亦必有金塔俗
呼金頂番名厭奢也或不能用金只用各色綾製如
蓋樣高四五尺

喇嘛寺中所供佛像與中國大同小異第至高且大
有至三四丈者多用銅鑄鍍以真金鑲以珍寶中土
所未見也殿閣及廂廊皆施五采繪畫佛像多畫諸
佛變相牛鬼蛇神雲車風馬鯨吞鼉吐莫可名言下

筆精妙云皆聘自西藏不圖殊方有此名手

喇嘛勞伍哲古云為熱河苦圖克兔托生裡塘彼處
來請弗就頗能前知形貌奇古似瘋非瘋初為堪布
不樂去而娶妻生子今年五十六矣番人敬憚見則
羅拜於道如事活佛蓋亦異人也

土司驟過背水婦人必驗其桶之虛實若有水則賞
給哈噠無水則撻之而毀其桶故背水婦人當其來
必遠避之此例真不可解

禮部
達賴喇嘛康熙四十七年降生於裡塘擦嗎中能言
既說前生事無不啗合西藏班禪喇嘛遣徒衆齎金
寶並前生衣鉢來迎至藏復遷往西寧之塔兒寺後
因西藏地方被準噶爾澤旺阿喇布坦遣車零敦多
布佔据

聖祖仁皇帝遣將平復康熙五十九年九月初六日送上布
達拉山大寺坐牀雍正七年奉

旨
在噶達地方修建大廟

賜額惠遠八年迎至廟住錫十一年修扎什城十三年準
噶爾來降復

命送於布達拉坐牀

長青春科兒寺南面正對梭龍即喇嘛帽山也故裡
塘多生活佛一達喇賴嘛一察木多怕克巴拉苦圖
克兔一察木多苦圖克兔一喀爾喀苦圖克兔二苦
圖克兔均係正土司丹晉滾布所生猶奇近正土司
索諾木根登所生長子又係雲南苦圖克兔鄉城協

教玉結又生察木多怕克巴拉苦圖克兔皆年歲餘
彼處喇嘛咸齋前生衣鉢來塘認識風水之說其足
信有如此

喇嘛衣飾與內地僧人大別雜髮留鬚跣足或穿皮
鞞堪布則著錦鞞內衣氍毹半臂外衣偏單冬不衣
皮腰繫帛如束帶臂上又以帛斜文纏縛衆喇嘛則
用氍毹見所尊者以袒右肩為敬不著襯或有著帛
者冬帽以氍毹片製成其式上尖下寬色尚黃夏帽若

笠純金色以皮為之居常亦不多戴極寒惟以纏身
氈氈裹其頂而已不娶妻生子師徒以衣鉢傳受上
乘之學以靜坐禪定修持正業為尚如役鬼驅神吞
刀吐火招水呼風柔金隱身諸法稱下乘術弗重也
不禁葷酒修靜喇嘛亦不多飲食最嚴色戒監管喇
嘛常使人巡查有犯者即發還俗充邊界管束婦人
入廟燒香必以布單蒙其頭面恐眩色也
經典甚多字從左行右橫寫番書貝葉翻揭其板藏

貯經堂管理喇嘛名曰巴貢日印刷發給衆喇嘛演
讀

喇嘛大寺蓄積甚富堪布三年一換以所積交新堪
布乍倉亦然亦無私財也然放債取利甚重年將一
倍其不能償者則拉其牛馬貨物作抵甚至有封其
家產者吁佛以不貪為法其徒背戾若此真可怪也
高山平原亂石成堆石鑄番書上插木竿杆懸哈噠者
蠻語謂之卻登其石來自西藏所鑄番書經典文也

亦有無番書石堆蠻語謂之納儕云皆有神佛棲其中凡蠻人飛馬驟馳過其傍者必去帽以示敬

四家瓦述所駐地方附麗裡塘邊界無碣樓廬舍均棲止黑帳房所居隨水草遷移視人民牛馬之多寡為強弱彼此畛域亦多爭鬥但已久沾

王化咸知畏法不敢肆無忌憚矣

土民之服役者名曰烏拉凡有業之人勿論男女皆與焉即由他處遠來但置烟竈雖租房而居亦然其

派烏拉照所居屋之大小量定所需數目或三四名
或十數名照戶輪派設或其家之人外出無人應役
則雇窮民代之年過六十者免凡過大差則於遠鄉
合派有價則發價無價則富者應出若干貧者三四
戶公攤一匹小差則近鄉當之無重派無苛索要在
辦事頭人之秉公道耳

番人雖遵用

國朝憲書然其紀日多有不同每月無小建必有朔望

晦日或以初二為朔日以十六日為望以次月初一為晦日截長補短積算於月數終無參差蓋雖無小建或於月內摘去一日如摘去二十八日即於二十七日次日即呼二十九日之類是也亦有閏月但不同時以余所見乾隆六十年閏二月彼地蓋閏八月也此特蠻人私用之事關

國制則用

欽頒時憲書

供應夫馬定例有大小之別過一百隻者謂之大烏
拉明正司直送裡塘裡塘直送巴塘不及百者謂之
小烏拉明正司送至河口換替河口送至西俄洛換
替俄洛送至裡塘換替裡塘送至喇嘛了換替喇嘛
子送至巴塘換替西來亦然自喇嘛了至河口皆裡
塘地此裡塘之民所以苦於役也

四鄉稞麥登場必請土司示期收割其過期與不及
期其穀充公夫地有肥瘠雨露之潤人事之不齊稞

麥之熟本難一致而示期以收割其如生熟之遲速
何哉此例真不可解

裡塘舊有土城在今城南門外十餘步周二里有奇
噶將軍征西藏時所築也雖倒塌其遺址猶存

裡塘山坡蔓衍道路叢雜番賊出沒無常卡迷有頭
人阿犂丹津者尤其擾攘行旅不寧乾隆五十八年
間裡塘土都司喜洛工布用計誘至官寨中縱火焚
之其患始息今雖有小賊搶掠兩土官搜索甚勤不

能公然為害矣

土官跟役謂之估撥凡一切差遣皆用之然下鄉多凌虐百姓苛索金帛閭閻苦之是在土官精明有以制之俾不敢妄行庶為福也

土官暨頭人子女婚嫁必擇世家與庶人不通婚配故兩土司及四家瓦述鄰近土司多係親戚此風與內地相同蓋摩義漸仁久矣

夷性甚貪凡土司頭人必視官之賞賜多寡分勤惰

故一切夫馬差遣賞多則應速否則未有不遲誤也
搜拏盜賊亦然此管糧務者所以負累耳

土司頭人鼠牙雀角必告訴於官官必為之調停否
則爭鬥從此起矣至夫婦床第口角亦來訴焉蠻人
之愚可笑如此

梭龍山在裡塘南三十里有神棲其上上多虎豹豺
狼皆馴伏不噬人山半有洞內藏甲冑兵仗番人於
二八兩月朝山凡朝山者只詣山麓遙拜無敢登者

咱噶山在裡塘東南六十里中有咱噶寺土司頭人多往熬茶祈福其山異蹟甚多巖壁間現有石室牕戶天然下臨百尺傍出磴道險仄如絲人難措足少有登者云昔有修靜喇嘛居此數十年今化去矣寺傍復有石洞寬僅容一人迴環曲折長二里許前後有門其中磴道滑溜上下二百餘級朝山者必鑽斯洞其進出寬如者為善人佛與之福也其進而不得出為惡人佛示之罰也必虔禱以遷善改過然後得

出而無害噫亦異矣大抵善善惡惡人心皆然一念
之誠佛靈如見人而不知遷善改過未必不為佛之
所罰也故佛之為佛亦惟欲人為善去惡之一端
二即雪山在裡塘西二百里^餘三峯插天積雪厚自數
百尺四時不消中多巖洞諸佛羅漢往來其間番人
朝山者踵絡繹其轉招者云一闌月方匝此山日飲
食林間夜棲宿巖穴無虎豹豺狼之擾害蓋聖境也
熱水塘山在裡塘西二十里有僧結舍依巖穴間大

僅丰楹一靜修喇嘛居其中十餘年未嘗出戶亦不多飲食人有施之不交接置牕洞間而去蓋數日猶在也然則此喇嘛也視達摩九年面壁之功尤深耳皮船以皮為之製如扁舟而小長八九尺廣五六尺中空可容二人飄搖搖水面隨波逐浪坐其上者真如太乞仙人乘蓮葉舟也

裡塘溫泉三有處一城西十里一城南三十里一在喇嘛了其水四時常溫中有紅蟲細如絲縷病人浴

之立愈故蠻人重焉按也生丹砂硫磺出水常溫氣
所感也硫磺水有臭氣丹砂則否斯水無氣其丹砂
水也歟

博浪工山中生異藥曰冬蟲夏草謂冬蟄為蟲夏茁
為草也蠻人呼為哪雜俄磨其狀根如蠶蠕蠕欲動
芽如蒜葉初苞采者必自端午以前則良過端午則
芽茁而根鬆耳此藥本草不載蠻人云其性溫補以
猪肉及雞肉和煮食之益陽婦人不孕者常食可以

得胎未知驗否

裡塘無花而多草花和風既扇星星徧野雖不知名而嬌艷可愛尤多西天花狀如鷲粟微小而色實濃冶又有一種花小如金粟味特郁烈喇嘛采以供佛疑賽蘭香也佛經名伊蘭花即後漢書所謂伊蒲之供也

蠻人所用弓木胎角面短小而勁亦有竹弓兩竹合片紮以牛筋勁過木胎矢以亦竹為之鷗翎鐵鏃鏃

如錐長二三寸凡出行必歿弓囊矢身背烏鎗腰懸
庫刀結隊而去示威武亦以防夾壩也夾壩云也者譯
言強盜也

甌器裡塘甚貴重蠻人皆用木盃木盃以葡萄根為
上土官頭人飾以金銀常人則否至西藏所出札木
扎呀及渾拉爾木盃惟堪布土官有之餘人不能得
也札木札呀木色微黃堅潤有細紋渾拉爾木色亦
微黃花紋畧大皆能避毒價值昂貴至有數十金一

具者

藏香有紫黃二種真者焚之烟凌霄漢蓋以珍寶屑成之世之餽遺貨賣者皆非大招所造也

裡塘食鹽貨自巴塘一帶其色紅如桃花即紅鹽也按段公路北戶錄云琴湖池鹽色如桃花在張掖北李應祥雍勝畧云紅鹽池在山丹衛北四百里大抵口外之鹽多紅色也

雪茶生雪山中蠻人於四五月間采摘以售葉如茶

而白色冰芽雲片氣味香辣食之令人止燥消煩領其風調可補茶經之缺

雪蛆亦生雪山中狀如蠶其色晶明巨者重十餘兩煮食之甘脆而香生於純陰之中而秉純陽之氣性熱而補益精髓誠異物也第不能多得耳或云味如乳酥多食鼻口出血

脚嗎生沙土中狀如羊棗味甘而香蠻人取以當糧食出口者常帶回內地餉人美其名曰仁壽果然多

食氣悶而脹圓根亦生沙土中狀如蘿蔔蠻人亦取以當糧食蓋蠻方地瘠稌麥不能廣有斯二物者所以濟時之歉也歟

王阮亭隴蜀餘聞云松潘建昌諸蠻所居皆累石為之高者至八九層人居其上牛豕居其下名曰碉樓今自打箭爐出口西至衛藏皆然又不獨松潘建昌等處也九州記云邛州沈黎郡即武侯征羗之路每十里置一石樓令鼓聲相應今夷人效之所居悉以

石為樓此為碣樓之始以余所見向之石樓尚有存者今明正司之卧龍中谷裡塘土司之上俄洛兩八角樓翼然是即武侯遺蹟歟

陳鼎滇黔紀遊云金沙兩岸皆白沙佛書所謂恒河即此也上流即狗頭國昔年大水漂一狗頭人至岸上下衣服同中國口耳眉目皆狗也逾日得土氣狗人復生問其言答之如狗吠與之飲食大嚼也土官解來大理軍門府因得寓目後軍門命土官解還原

處解人行一百二十餘日始抵其國國中無城郭國
王朱冠皂履跨白馬佩刀官吏皆如之飲食起居中
國同也婚嫁則非云云似實有其國矣然攷金沙江
上流在西域喀木地其源出惡洛木拜圖流入木魯
烏蘇等處經巴塘入裡塘界之勺朱鄉城復出巴塘
界之崩子勒入雲南之麗江府其^界所經歷地即在今
西寧出口至西藏草地以及疊爾格三瞻對等處
處番民
常人無所謂狗頭國也陳氏